

Peqatigiiffiit eqquiniaasitsineranni (lottornermi bingornermilu il.il.) akileraarutininik akiliuteqartarunnaarsillugit eqquiniaasitsinermi akileraarutit pillugit Inatsisartut inatsisaanni § 1 imm. 4-p allangortinneqarnissaanut Naalakkersuisut peqquneqarnissaannik Inatsisartut aalajangiifigisassaattut siunnersuut. Akileraartarunnaarsitsineq aningaasanoorutininik pinnguarnermi eqqukkanut atuutsinneqassanngilaq.

(Inatsisartunut ilaasortaq, Jens Immanuelson, Siumut)

Akissuteqaat

(Aningaasaqarnermut, Aatsitassanut Nunanullu Allanut Naalakkersuisoq)

Aappassaaneerneqarnera

Peqatigiiffiit lottornermi akileraarutininik akiliuteqartarunnaarsinnissaannut siunnersuut pillugu Aningaasaqarnermut Akileraartitsisarnermullu Ataatsimiititaliap sulinerannut Naalakkersuisut qujapput.

Peqatigiiffiit annertuumik suliaqartarnerannut Naalakkersuisut tapersuinerpaagaluarlutik, siunnersuutip aningaasaqarnikkut kingunerisassai tunngavigalugit, siunnersuutip siullermeerneqarnerani isuma saqqummiussartik aalajangiusimaannarpaat.

Taamaattumik Naalakkersuisut isuma, Aningaasaqarnermut Akileraartitsisarnermullu Ataatsimiititaliami amerlanerpaat isummernerat, siunnersuut akuerineqassanngitsoq isumaqatigaat.